



Chistiona su Sardu!

Letzione N.10

In sa mesa

Maistra: Amus a intèndere galu comente si salumat, ma in in manera prus formale e comente s'espressat ispantu e si faghent complimentos.

Giuanne: Salude a totus, benebènnida Marisa. E ite novas?

Marisa: Bene, gràtzias. E vostè?

Giuanne: Non b'at male, semper unu pagu impressidu comente a semper. E babbu e mama ite novas tenet?

Marisa: Bene issos puru, bos saludant meda.

Lughia: Nara-bi-lu chi unu de custos seros lis iseto a chenare.

Marisa: Bi lis apo a ammentare, ma penso chi s'ant a fàghere a intèndere a presse.

Lughia: Maridu meu, aporre su pratu pro praghene.

Giuanne: Bastat gasi, bastat gasi, passa a sos àteros como. E bonu apètitu a totus.

Lughia: Marisa, ses de gana bona?

Marisa: Mi praghent meda, ma pone-mi-nde bator o chimbe ebbia pro praghene.

Giuanne: Assora... bonu apètitu!

Lughia: A sa parte. Bonu apètitu.

Lio: Ite cosa ispantosa, mama. Sunt una meravìgia. Sos prus bonos de semper.

Lughia: Friscos, friscos mi'. Los apo fatos oe.

Micheli: Mama ammenta-ti chi m'as promìtidu sas seadas.

Giuanne: Non si faeddat cun sa buca prena!

Micheli: Mama ammenta-ti chi m'as promìtidu sas seadas.

Lughia: Deo già non mi nde so ismentigada e tue ti nd'ammentas de sas promissas tuas?

Lio: Iscummito chi no as ancora incomintzadu a fàghere sos còmputos...